



Broj: 05.10-04-31603-147/25
Sarajevo, 26.11.2025. godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničku inicijativu Kluba zastupnika Demokratske fronte (46)
Veza: akt Skupštine Kantona Sarajevo broj: 01-04-31603-46/25 od 29.10.2025. godine

Poštovani,

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je vaš akt broj: 01-04-31603-46/25 od 29.10.2025. godine sa zastupničkom inicijativom Kluba zastupnika Demokratske fronte u Skupštini Kantona Sarajevo.

Klub zastupnika Demokratske fronte u Skupštini Kantona Sarajevo, je u skladu sa članom 106. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) uputio zastupničku inicijativu koja glasi:

Ovim putem podnosimo hitnu inicijativu te istovremeno postavljamo zahtjev za poduzimanje momentalnih i dugoročnih mjera:

- 1. Naložiti i osigurati hitno finansiranje energenata i svih tehničkih preduvjeta neophodnih za urednu i blagovremenu isporuku toplotne energije građanima Vogošće od strane BAGS - Energotehnika d.d. Vogošća do kraja tekuće sezone grijanja. Stanovnici plaćaju uslugu koju ne dobijaju, što je nedopustivo.*
- 2. Uvrstiti i osigurati finansijsku podršku i sredstva u Budžetu Kantona Sarajevo za 2026. godinu s ciljem realizacije projekta izgradnje toplane i toplifikacije Općine Vogošća. Odmah pokrenuti sve aktivnosti za dobijanje potrebnih saglasnosti kako bi se dugogodišnji problem grijanja trajno riješio.*
- 3. Hitno provesti postupak utvrđivanja odgovornosti nadležnih lica i upravljačkih struktura u resornom ministarstvu, BAGS - Energotehnika d.d. Vogošća, s obzirom na propuste, loše poslovanje i neispunjavanje zakonskih obaveza uredne isporuke toplotne energije.*

Odgovor na inicijativu Kluba zastupnika

1. Prije početka sezone grijanja 2025./2026. godine, putem dva Sporazuma o sufinansiranju nabavke energenata potpisana sa privrednim društvom BAGS Energotehnika .d.d Vogošća, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je obezbjedilo finansijska sredstva u ukupnom iznosu od 1.300.000 KM.

Finansijska sredstva za spomenutu namjenu su operativna od 06.10.2025. godine te ih privredno društvo BAGS Energotehnika od tada koristi za plaćanje duga za već isporučeni energent i finansiranje nabavke energenta za potrebe u tekućoj sezoni grijanja. Prema procjeni Uprave i tehničkih službi privrednog društva BAGS Energotehnika spomenuta finansijska sredstva za sufinansiranje energenta dostatna su do kraja februara 2026. godine ili duže, zavisno od predstojećih vremenskih prilika, a kao što vam je poznato, utvrđenim Nacrtom Budžeta Kantona Sarajevo za 2026. godinu, na razdjelu Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, planirana su sredstva na poziciji Sufinansiranje nabavke energenata u iznosu od 600.000 KM što je dvostruko više nego do sada.

Odmah po saznanju da Uprava i odgovorna tehnička lica preduzeća nisu na vrijeme poduzeli aktivnosti pripreme postrojenja za proizvodnju toplotne energije sa tehničkog aspekta i daljeg pasivnog odnosa uprave u vezi sa svojim obavezama, ovo ministarstvo se aktivno uključilo u rješavanje i tog problema, te je dana 23.10.2025. godine uz stručnu podršku predstavnika KJKP "Toplane-Sarajevo" i servisera iz Republike Hrvatske osposobljen sistem za proizvodnju i započet proces probnog režima rada.

Ministar Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo je dana 22.10.2025. godine na tematskoj sjednici Općinskog vijeća Općine Vogošća upoznao vijećnike i načelnika o trenutnom stanju, svim poduzetim aktivnostima ministarstva, kao i o neizvršavanju blagovremenih pripremnih radnji za uspostavljanje funkcije daljinskog grijanja od strane BAGS Energotehnika d.d. Vogošća.

Tek na traženje ministarstva, uprava društva je svojim aktom od 31.10.2025. godine dostavila Informaciju o stanju sistema za proizvodnju i isporuku toplotne energije, u kojoj je, između ostaloga, izvijestila da je od 29.10.2025. godine uspostavljena isporuka toplotne energije za domaćinstva i javne ustanove na području Općine Vogošća koja se zagrijavaju putem društva BAGS Energotehnika d.d. Vogošća.

2. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je još u aprilu 2025. godine, mnogo ranije od dostavljanja vaše inicijative, na inicijativu ministra započelo sa hitnim aktivnostima na trajnom rješavanju proizvodnje i isporuke toplotne energije korisnicima sistema daljinskog grijanja u objektima kolektivnog stanovanja, javnim ustanovama i privrednim subjektima u Općini Vogošća, te se u saradnji sa KJKP Sarajevogas d.o.o. i KJKP Toplane-Sarajevo d.o.o. pristupilo izradi prijedloga tehničkog rješenja i prijedloga lokacija za izgradnju planiranih objekata.

Nakon provedenih pripremnih aktivnosti Vlada Kantona Sarajevo je na 81. sjednici od 26.06.2025. godine Zaključkom prihvatila Informaciju Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo o trenutnom stanju postojećeg sistema daljinskog grijanja i prijedlog tehničkog rješenja sistema daljinskog grijanja u Općini Vogošća iz dostavljene Analize toplifikacionog sistema daljinskog grijanja Vogošće sačinjene od strane KJKP „Toplane-Sarajevo" d.o.o. Sarajevo.

Prihvaćenim tehničkim rješenjem planirana je izgradnja nove kotlovnice, dijela distributivnog toplovoda i rekonstrukcija dijela postojećeg toplovoda koji će ostati u upotrebi osiguravajući se pouzdano snabdijevanje toplotnom energijom u urbanom dijelu Općine Vogošća. Korisnici postojećeg sistema daljinskog grijanja (kojim trenutno upravlja BAGS Energotehnika d.d. Vogošća) ne bi bili izloženi dodatnim troškovima obzirom da će toplotnu energiju iz novog sistema daljinskog grijanja preuzimati posredstvom toplotnih podstanica na koje su već priključene njihove unutrašnje instalacije.

KJKP "Toplane-Sarajevo" d.o.o. Sarajevo, kao učesnik u projektu zadužen za projektovanje, izgradnju i upravljanje novim sistemom daljinskog grijanja, zaduženo je za izradu investiciono - tehničke dokumentacije potrebne za ishodenje urbanističke saglasnosti i odobrenja za građenje kao i kandidovanje Projekta izgradnje sistema daljinskog grijanja Vogošće u Program javnih investicija Kantona Sarajevo.

Na inicijativu ovog ministarstva kroz formiranu interesornu grupu u koju su uključene sve institucije kojih se tiče navedeni projekat, pratiće se aktivnosti u realizaciji. Uprava društva BAGS Energotehnika je odbila poziv da se uključi u rad interesorne grupe usprkos izvjesnim pozitivnim efektima za poslovanje društva nakon realizacije.

U prvoj polovini mjeseca novembra 2025. godine ispred KJKP Toplane Sarajevo d.o.o. nadležnoj službi Općine Vogošća predat je zahtjev za izdavanje urbanističke saglasnosti za izgradnju kotlovnice, toplovoda i rekonstrukcije dijela toplovoda shodno urađenom Idejnom projektu.

3. Kao i uvijek do sada, otvoreno za sve inicijative u vezi sa djelokrugom rada i zakonskim ovlaštenjima, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo nije u mogućnosti očitovati se u dijelu vaše inicijative kojim se traži provođenje postupka utvrđivanja odgovornosti *nadležnih lica i upravljačkih struktura u resornom ministarstvu, BAGS-Energotehnika d.d. Vogošća* što su, podsjećamo, termini nepoznati u zakonu, te je prema tome nejasno prema kome se inicira navedeno postupanje.

S poštovanjem



Dostaviti:

1. Naslovu,
2. Stručnoj službi Vlade Kantona Sarajevo - na znanje,
3. Koordinatoru izrade odgovora na zastupnička pitanja / inicijative - na znanje,
4. Evidencija,
5. Arhiva.

Pripremio: Gordan Čučić, stručni savjetnik za komunalnu energetiku.

Kontrolisao: Adnan Begić, pomoćnik ministra za komunalnu privredu i praćenje rada kantonalnih javnih komunalnih preduzeća.



